

**G** Dèan dealbh de na beathaichean a lorg thu anns a' ghàrradh, anns a' phàirc no mu chuairt na sgoile.

'S dòcha gum feum thu a dhol air do ghlùinnean airson meanbh-fhrìdean seimhidh agus seilcheagan fhaicinn. Coimhead fo chlachan agus anns na sgorran ann an craobhan. Ma tha thu a' dol gan toirt air ais don chlasrum airson an dealbh a tharraing, feuch gun cuir thu air ais iad cho luath 's is urrainn dhut.

Tha faisg air 600 seòrsa damhan-allaidh rim faighinn ann am Breatann 's tha cuid dhuibh sin rin lorg am broinn an taighe. Chan e fìor meanbh-fhrìdean a th' annta oir tha ochd casan orra an àite sia; tha paidhir de dh'iadhairean goirid no pedipals orra cuideachd air gach taobh dem beul. Tha ochd sùilean anns an damhan-allaidh ach chan eil a fhradharc glè mhath.

Tha an fheadhainn fireann nas lugha na an fheadhainn bhoireann agus tha iad ann an cunnart a bhith air an ithe an uair a tha iad a' suirghe.



Chan eil slige chruaidh air seimhidhean idir ged is e molluscs a th' annta. Le sin, shaoileadh tu gum bitheadh e na b' fhasa do bheathaichean eile greim fhaighinn orra, ach 's ann a tha e nas fhasa dhaibh faighean a-steach do sgorran no fon talamh airson iad fhèin a dhìon. Tha 17 seòrsa seimhidh rin lorg ann am Breatann.

Tha an seimhidh dubh air a bheil sinn uile eòlach nam measg sin agus seimhidhean gàrraidh agus achadh a tha nam plàigh ann an gàrraidhean glasraich. 'S e lusan a bhitheas a' chuid as motha aca ag ithe (lus-itheadairean) ach bithidh feadhainn ag ithe beathaichean marbh (closaichean) cuideachd (itheadairean-chlosach).

O chionn fhada bha calmain a' fuireach ann an creagan mara no ann an uamhan. Cha b' fhada gus an d'fhuair iad a-mach gun robh togalaichean ann am bailtean a cheart cho math. Bha daoine cuideachd a' cumail calmain calla airson biadh. An-diugh, tha calmain bhailtean den h-uile cruth, meudachd agus dath agus tha feadhainn dhiubh gu math eadar-dhealaichte bhon fheadhainn a tha fhathast a' fuireach faisg air na cladaichean.

